

☑ TAU FAKAILOAAGA

## Ko e tau Learning Support Coordinators ki loto he tau aoga

Tau fakailoaaga ke lata mae tau Mamatua, tau Tagata Leveki, Magafaoa mo e tau Matakainaga

Lagomatai he tau Learning Support Coordinators (LSCs) e tau fanau aoga ke moua e tau lagomatai kua tonu mai he kamataaga mo e fakamukamuka ke he tau magafaoa ke maama mo e maeke ke moua e tau lagomatai ke he tau fakaakoaga he aoga.

Ka hoko ke he 2028, ko e tau aoga fakatufono mo e tau aoga lalafi atu ke he tau aoga fakatufono to maeke he tau fanau aoga kamata mai he Year 1 ke he Year 8 ke moua e taha lagomatai mai he taha LSC. Ka fai LSCs he tau fale aoga ne ha ia ai e tau fanau fakaako he Year 1 ke he 8 to tata mai e tau lagomatai ke he tau fakaakoaga ke he tau fanau fakaako ne kua lata lahi ke moua.



### **Gahuahua e LSCs mo e tau fanau mo e ha lautolu a tau magafaoa**

Ko e LSC ko e taha tagata gahua he aoga he haau a tama ne kua tuku fakamua ke iloa tuai e tau fakaakoaga kua lata, fakatokatoka e tau matutakiaga, lagomatai mo e matutaki e tau mamatua mo e tau tagata leveki mo e tau pulotu specialist.

Gahuahua a lautolu mo e tau faiaoga, tau magafaoa, mo e tau faahi gahua, lalafi atu a lautolu e matakau lagomatai mai he Faahi Gahua, ke fakamooli kua moua he tau fanau aoga e tau lagomatai kua lata ke tupu olaola e tau fakaakoaga.

Ko e tau gahua LSC foou ki loto he tau aoga ka lagomatai e tau fanau fakaako ke moua mitaki e tau lagomatai mahomo e mahuiga, mo e lautatai mo e tau aoga foki he motu.

### **Moua fefe e tau lagomatai**

Iga ni e tama mo e ha lautolu a makaukau ke moua mitaki e tau fakaakoaga, ka e ke he falu magaaho na fa tupetupe e tau mamatua mo e tau tagata leveki ke he tau fakaakoaga he ha lautolu a tama. Kaeke ke tupetupe a koe, mitaki ke finatu fakamua ke fakatutala mo e faiaoga po ke ulu fakatonu he haau a tama.

Maeke i a lautolu ke fakatutala mo koe hagamoa ke he haau a tau manatu tupetupe ke he haau a tama mo e iloa ko e heigoa ha lautolu a tau lagomatai ne liga kua lata a lautolu ke moua, putoia foki ke taute e taha fakafeleveiaaga haau mo e LSC he aoga.

### **Falu vala tala foki**

- › Learning Support Coordinators he tau aoga, [education.govt.nz/lsc](https://www.education.govt.nz/lsc)
- › Tau lagomataiaga ke he tau fakaakoaga he haau a tama he magaaho ka finatu a ia he aoga, [education.govt.nz/parents-and-caregivers/early-learning/learning-support/continuing-learning-support-when-your-child-moves-school](https://www.education.govt.nz/parents-and-caregivers/early-learning/learning-support/continuing-learning-support-when-your-child-moves-school).
- › Kaeke ke tupetupe a koe ha ko e tau fakaakoaga he haau a tama, [education.govt.nz/parents-and-caregivers/early-learning/learning-support/if-you-are-worried-about-your-childs-learning](https://www.education.govt.nz/parents-and-caregivers/early-learning/learning-support/if-you-are-worried-about-your-childs-learning).
- › Budget 2025 fakatupuaga ke lata ma e tau lagomatai ke he tau fakaakoaga (Learning Support), [education.govt.nz/our-work/publications/corporate-documents/budget-2025/learning-support](https://www.education.govt.nz/our-work/publications/corporate-documents/budget-2025/learning-support).



## Tau Huhu mo e tau Tali

### **Maeke fefe he Learning Support Coordinator (LSC) ke lagomatai haaku a tama?**

Fakamukamuka he tau LSC e tau aoga ke tali atu fakamafiti ke he tau manako lagomatai ke he tau fakaakoaga. Lagomatai ke he tau faiaoga ke fakatokatoka e tau lagomatai, gahuahua mo e tau pulotu specialist tuga e pulotu ke he tau fakaakoaga vagahau po ke tau pulotu ke he tau malolo ke he tau manamanatuaga (psychologist), mo e fakamooli kua maama mitaki mo e fakagahuahua e tau lagomatai ke lata ma e haau a tama.

### **To gahua fakahako nakai e LSC mo e haaku a tama ki loto he poko aoga?**

To gahua e LSC ki loto he poko aoga mo e haau a tama mo e haana a faiaoga, mo e gahua fakahako mo e tama aoga ke onono, maama mo e kitia maali e tau lagomatai ke he tau fakaakoaga ne kua lata tonu ke moua.

### **Maeke nakai he LSC ke fai talahauaga pulotu ke he tau fakaakoaga ne kua lata haaku a tama ke moua?**

Maeke he tau LSC ke fakakite e tau mena kua fai tupetupe ki ai mo e gahua mo koe, faiaoga he haau a tama mo e falu foki e tau pulotu specialist ke fakamooli ke moua he tama haau e tau lagomatai he magaaho kua lata. Nakai fai talahauaga pulotu (diagnose) a lautolu ke he tuaga he tama haau hagamoo ke he tau fakaakoaga po ke tau tutuaga ke he fakalaulahiaga he tau fakaakoaga. Ke he falu a magaaho to tuku age he LSC e tama haau ke he taha pulotu specialist kehe, tuga e pulotueducational psychologist po ke taha pulotu specialist ke he tau puhala vagahau ka e to taute pihia ni e lautolu kaeke kua moua mai e fakaataaga mai i a koe.

### **Maeke nakai i a au ke ole ke moua e taha lagomatai ma e tau fakaakoaga he haaku a tama?**

E, maeke e tau mamatua po ke tagata leveki ke ole lagomatai po ke fakakite e tau manatu tupetupe ke he faiaoga, ulu faiaoga, po ke LSC he aoga ma e tau fanau ha lautolu. Nakai fakamamafa ke moua e talahauaga pauaki (diagnosis).

Kaeke ke manako foki ke he taha hatakiaga hagamoo ke he tau lagomatai ne ha i ai ke lata ma e haau a tama, maeke i a koe ke matutaki atu ke he taha matakau mai he Ministry of Education tata. Maeke i a koe ke moua e tau matutakiaga ke he tau ofisa Ministry matakavi he [education.govt.nz/our-work/about-us/contact-us/regional-offices](https://www.education.govt.nz/our-work/about-us/contact-us/regional-offices).

### **To logona fefe kua fai kehe ha kua fai LSC e aoga he haaku a tama?**

Kaeke ke onono mo e moua tuai e tau lagomatai to malikiti hake e tau numela he tau tama aoga ka oatu he aoga pihia mo e kautu ke he tau fakaakoaga, mo e tuku hifo e tau fekehekeheaki ke he tau fakaakoaga, tau gahuaaga, mo e tau tutuaga ke he tau momoui.

Ko e tau fafatiaga tupe ke lata ma e tau LSC ki loto he tau aoga ne onono fakalahi ke maeke he tau faiaoga mo e tau pulotu specialist ke kitia maali e tau lagomatai ke he tau fakaakoaga kua lata ke moua tuai ma e moui he tama.